

SIMEON ETA ANA SANTUAK

1

Simeon eta Ana
jatortaz burura,
laurogeitik gorako
atso ta agura.
Biok jokutzen eben
profeta modura,
herriaren erdian
Jainkozko aingura;
hil baino lehen Mesias
ezagutu gura.

2

Tenpluan ebiltzala
otoi eta barau,
umetxoen artean
Jesus aurkitzen dau.
Besoetan hartuta:
"Ikusten Ume hau?
Mesias bialduta,
Jaunak gaitu salbau;
honegaz ni Jainkoak
ase ta bete nau".

3

Herriak bizi ditu
bere interesak,
beste gurtiak dira
zahartxoan amesak.
Baina zaharren gogoan
Jaunaren promesak:
nahiz gizonen urratsak
izan aldrebesak,
ordu an ere Jaunak
bereak artezak.

4

Elizak behar ditu
ta berdin herriak
aitona ta amona
beneragarriak.
Haiek baititurte ongi
lotzen zahar-berriak,
eta zaintzen bizirik
gure oinarriak;
beharrezko zaiturte
gaur Euskal Herriak.

5

Betoz aitona-amonak
argi ta leialak,
Espirituz beterik
ta bihotz zabalak.
Beude zabalik beren
beso ta magalak,
zer mesede dakarren
gaur zuen itzalak!
gure aitona-amonak
dira mundialak.

6

Eskaritxo bat Zuri,
oi, Jainko laztana,
lagun gure Zaindari
Simeon ta Ana:
gurasoen guraso
guretzat zarana,
haien bitartez, Jauna,
damaiguzu dana,
bedeinka gure orde
aitita t'amama.

A. Martzel

